

gryphes in montibus insident auro, ne quis usus sit hominibus : sed omnia refert ad usus primos patriæ.

Cæterum Musæ cum puræ elegantesq; sint, & sibi in societatem etiam assciscant Grætiarum : ideo oratio, quæ menti humanæ ancillatur, ut fida interpretes, & ad plures internuncia, nihil sordidum, nihil inquinatum, nihil deniq; seculentum sectabitur. Non decet nobilem matronam famula sordida & pannosa, sed pura & expedita. Vnde meritò ridentur illi, ex quorum sive calamo sive ore tanquam ex uberrimo fonte omnis verborum illuvies in alios exundat : ut ad telam & colum sedentium plerasq; aniculas aut puellas disertiores dixeris, quam istius tribus viros.

Quam vero noster Rex de omnibus eloquentiæ epulis lautissimis delibârit non vulgaria, vel ex eo apparuit, quod ad arcem ipsam eloquentiæ contenderit, & latina lingua usus sit nitidissimè & elegantissime : ita ut à Grætiis enutritus, à Musis educatus dici, & cum quovis gradu in conferre potuerit. Qui enim hanc facultatem sibi adolescens neglexerit, paulo provectior vix aliquando adepturus videatur.

Cum vero omnes studiorum conatus evertantur, nisi cōstantia in labore nitantur : ideo verè de Rege nostro dici potest, quod non solum metam noverit, sed è carceribus egressus & in media semita percurrens, illam propius asperxit, nec ab ea oculos dimoverit antè, quàm quo voluit, pervenisset.